

光緒重修安徽通志

重修安徽通志卷二百三十八

人物志

孝友五

徽州府

未入流方振鑑民人仰際畀俱歙縣人道光年以孝行

旌表

科鈔以下新修以

施用澱胡元昇俱婺源人道光年以孝行

旌表
科鈔

吳珍重字仲威歙縣人母疾劇將刲股謂下體也不敬遂剗臂

和藥以進閱日疾瘳又張立湘黃熙熙子庠生實聲蔣學堯鮑

大鈞鮑澄汪法槎俱刲股療母法槎又有拾金還人事

歙縣志

吳熊字耳山歙縣人先後刲股愈父母病及父母歿廬墓五年

又蔣世珍割左右股療父張楚玉割臂療母楚玉病其子新有亦割股服之愈又監生黃崇廣割股療祖母

歙縣志

孫元峻字峻卿休甯人商籍庠生性孝友失愛於母母病割股以進旋瘳又武生汪慶運字善餘兩次割股療母汪啟基胡伯

桐吳玉華俱割股療母

休甯縣志

汪觀大字英言婺源人父喪日哭墓歸則改顏事母委曲如意母歿毀瘠廬墓出入必告有蛇虎馴擾之異妻程亦孝謹以哭姑卒家觀大命其子殯之已待於途奠畢卽返墓廬時稱知禮
道光二十六年

旌表

婺源縣志

余含章字坤三婺源監生父邁危疾割股和藥療之及歿哭喪
明百日始愈承父志捐千金修浮東大路三十里同治二年

旌表 婺源縣志

程有祉字國仁婺源人母病刲股和藥以進後有祉病子光熊亦如之又李上誥潘榮生潘茂桂李世鑑汪文熾程尙菖汪熒監生吳濟優貢江清俱父病刲股李振基李乾綱潘大高監生吳麟玉鎮江通判詹瀛俱母病刲股胡家報嫡母及所生母病皆刲股監生汪服休刲股療兄 婺源縣志

金言配字南山婺源人母患噎刲股以進愈後言配病子泉達亦如之 婺源縣志

詹日煒字旭初婺源人母病刲股以進嘗藥嘗糞歷五年獲痊及母歿以毀卒日煒又有贈金救溺完人骨肉事 婺源縣志

俞永鍾字毓卿婺源監生母病刲股不起既殯以哀毀卒 婺源縣志

汪瑞謙祁門文生刲股療母同時有葉嗣傲者刲股療父後均

以禦寇殉難又文生汪瑞甲監生許焜民人胡永會葉本分謝

惟恭均刲股療父監生鄭景裔民人許鳳翔康民標均刲股療母李大經兩次刲股愈父母疾後以子錫三捐職理問

贈儒林郎

祁門縣志

胡士裕黟縣人父病篤刲股以進愈又漆工黃興忠母吳病瞽

興忠焚禱刲股以進母目復明

黟縣志

汪嘉化字吉光黟縣人嘗刲股療母病嘉化卒柩厝黃陂坦後

火災他棺盡焚獨嘉化無恙知縣異而葬之

黟縣志

汪純粹字惇士黟縣人商籍附生刲股療母病頓瘥

鹽法志

又奚

元照汪學爲莫廷章皆刲股救父汪世文胡元啟姚元可皆刲

股療母

黟縣志

舒秉畿黟縣人父遠遊不歸秉畿年十五閒關尋訪遇於常德

哀請父歸母病目三年舐之而愈

黟縣續志

余兆福程可醕黟縣人皆少孤母病割股和羹進旋愈又江有

芳盧仁燦江肇椿汪啟金均割股療母

黟縣志

朱紘黟縣人嘗割股療母病及母逝紘絕食卒

黟縣志

汪必冠字以成吳志魯字銳山項文麟字廷恩皆黟縣人割股

療父獲痊

黟縣志

黃慶鑫黟縣人父病割股進愈後復病再割不效其妻余亦割

肉盤姑病

黟縣志

胡本敦績溪人少孤割股療母周濟孤寡必稱母命臨卒盡焚

其券又汪大林父病割股從九胡洪榮章洪永章句俱母病割

股獲痊章洪永又有乞糴疏河諸義行

績溪縣志

胡裕熙字少穆績溪庠生以母老罷舉母病危與弟有靈先後

割股皆弗愈所以身代母疾忽痊裕熙有靈竟卒

黃溪縣志

周竈慶績溪人傭工歸必懷肉哺母母寢則溫被驅蟲母病割

股以瘳

績溪縣志

周圭字立廷祁門廩生到股療父疾獲愈母病風圭侍奉惟謹

撫二弟甚友愛著有篁韻詩鈔及友于歌三十首

祁門縣志

汪時字淑回婺源人幼隨母採薪遇虎以身蔽母虎竟去及母

歿毀卒

婺源縣志

戴長祿黟縣人三歲父死於虎長知之誓習搏虎技以報卒殺

虎祭父墓

黟縣志

程懋喜字英大婺源人年十歲隨父夜出遇虎噬父懋喜抱足

哀號虎委而去守尸達旦倩人舁歸葬焉

婺源縣志

鄧大福婺源人弟大祿爲虎所逐福奮往救虎曳尾去之

婺源縣志

俞仲喧字兼二婺源人父患癰吮之愈母病刲股以進逾月亦

瘳

婺源縣志

鄭廣婺源貢生母患癰日吮數次愈輸紫陽書院千六百元又

捐數百金建祠中饗堂又增生程馥林母病疽親吮其毒

婺源縣志

汪廷瑜字佩珍婺源貢生母患癰吮之獲痊

婺源縣志

汪孝漪歙縣人爲父吮疽以孝聞

程思孝遺集

子炯見義行孫州同

紹鏞字儉庵居父炯喪鄰火起誓死籲天火竟息積金鉅萬疾

革遣命以予其弟時育時育僅受其半

方宗誠文集

詹啟紅字亦書婺源監生母失明啟紅舌舐八年復明又有拾

遺還金之事又王人偉舐祖母目三年復明

婺源縣志

曹聖禮績溪人從九品母歿廬墓三年又胡裕照亦母歿廬墓

三年

績溪縣志

胡樹槐字蔭三績溪人結廬父墓側課徒著有蓼莪館詩草咸

豐十年卒家丁拒賊遇害子嗣臺哀毀卒

績溪縣志

黃容保績溪人居母憂五年不御酒肉

甯國縣志隱逸周啟楹傳注

吳元績溪人少孤貧力作養母供甘旨勤澣濯十餘年母喪鄰

居火元扶柩號泣反風滅火既葬每夜披簑宿於墓旁

績溪縣志

胡輝在黟縣人負販養母母歿廬墓三年同邑諸生程亦模居

喪守禮三年不宿於家程鵬母歿廬墓以毀卒又朱雲驤紫陽

里人奉母避賊江西出入烽火求兒柩歸葬母歿以毀卒著有

延暉閣詩集江朝宗梧村人父喪哭日夜不絕聲嘔血歿

黟縣志

王嘉禮婺源人貧無廬墓資日與父母墓五年不衰後服賈起

家焚券平糶

婺源縣志

黃嘉旺黟縣人備值養親父疾革願天身代及歿廬墓三年

黟縣志

志

張廣德字都塢婺源人出繼叔後生母歿廬墓三年有蛇虎馴擾之異同治八年

旌

婺源縣志

葉家淑字治純婺源人父歿廬墓三年又游青樟居父喪不飲

酒不茹葷三年

婺源縣志

張臨烈字紹先休甯人母歿廬墓三年

休甯縣志

康飛鳴字聲遠祁門諸生家貧孝養父母相繼歿廬墓三年子

身走闕中以弟覲歸葬

祁門縣志

葉兆均休甯監生父貿未歸肩販養母年十五母卒親操舂築

以葬

休甯縣志

姚國城字楚方歙縣人父客死保定府時國城九歲拾薪養母

重修安徽通志

卷三百三十八

人物志

孝友

五

徽州府

年十八辭母北行訪得父窆所負骨歸葬母疾刲股以進旋愈

徽縣志

汪振鐸字斗墟黟縣諸生父國僕賈荆襄間轉徙入蜀十年無
耗振鐸貧甚貸金尋父閒關至重慶迎歸

黟縣志

孫枝秀字穉蘭休甯附生母程病篤禱於關聖著覺世經七言

律詩母疾遂瘳咸豐十年枝秀遇賊殉難

休甯縣志

丁雲萼黟縣附貢丁紹昌之子善篆書母病劇雲萼兄弟虔禱

文昌而愈乃篆陰騭文於石

黟縣志

程春英字韻鈴休甯人父病篤籲天請代不起以哀毀卒

休甯縣志

程士秀字實夫婺源人候選同知七歲母病焚香私禱延母算

及歿哀毀如成人居父喪三年不入內喪繼母亦然季弟卒撫

遺孤如子又於江西輸義倉千金

婺源縣志

戴經鍍婺源人父鴻翔以孝友聞嘗病疫經鍍祈減己算未幾

卒父病瘳

婺源縣志

又貢生汪祥煖監生汪祥熱並以待疾不懈居

喪盡禮聞

婺源縣志

張道藩婺源庠生父疾篤默禱祈代明日疾間道藩暴卒

婺源縣志

葉長青字河清黟縣武生母病風出入必隨飲食必潔侍奉十

餘年無懈又貢生汪光黻吳瑄諸生葉義暘江洪祜汪揚光府

經程士選及吳熾昌孫遴金尙整余爲立李襄舒遵舅胡懋炳

均以久侍親疾誠奉不懈聞

黟縣志

汪承榮字殿榮黟縣諸生母病盡脹朝夕祝天親奉湯藥七年

乃愈叔伯乏嗣分己產爲之立後

黟縣志

孫百齡字征一黟縣人國子監典籍父有氣疾垂危禱天身代

果得氣疾而父痊

黟縣志

吳廷傑字仰清黟縣監生服賈養親侍父病三月不解帶事嫡庶生母俱無閒言教養幼弟六人成立修橋路置義冢設義渡皆繼父志弟廷梁附貢生成豐五年賊擾所居村廷梁先以母命率眾出禦及見火起馳回入烈焰中抱母衝出賊亦未能加害

黟縣志

江列治婺源人居室災將攜子出聞父陷往救同死之子亦及

難婺源縣志

王良焮字永年婺源人幼爲世父後耕田以養本生父母鄰火

延燒毀門負父母出侍疾嘗糞

婺源縣志

洪鈞字梅坪婺源舉人官中書乞養回籍父立登州同銜嗜學好義鈞事之孝謹及歿廬墓三年生平以躬行實踐爲學嘗求陸清獻汪烜余宗英遺書校刊行世又承父志修造賑濟或萬

金數千金見義必爲年八十三卒邑人崇祀報功祠同治六年

奉

旨祀鄉賢祠

婺源縣志

程雲翔字軒字黟縣人候選訓導父學植有七子雲翔受父財之一兄雲翰令西平因公負庫金卒官人又訟其仲兄越官階吏復以帑息持叔弟之子急雲翔馳西平償所負歸兄喪馳皖白仲繩策叔弟子完帑事皆得解倡追遠祀會葬族人積棺捐修試院書院義行甚多咸豐四年粵賊掠黟先是雲翔捐輸團練暨族人集防及是家財盡歎曰無復能輸官辦賊矣憤懣而

卒

黟縣志

舒遵烜字守芳黟縣人從九品異母兄卒盡以祖遺田付媼嫂養其二孤堯暢服賈文藻讀書皆成立遵烜卒子甫二歲二孤

歸產撫養之同邑葉國祿字惟正家貧貿易敬事寡嫂同爨而食以長子爲兄後撫姪女長成出嫁又胡際瑤字美堂敬禮寡

嫂鞠嫁兒女並爲時所稱

彭縣志

舒遵祿字廷封黟縣人母病牀蓐扶持五載不懈母歿哀毀而卒又遵祿及朱照鸞余炳堂並有贖弟歸宗事

彭縣志

汪棟字伯梁休甯府學增生母風病臥牀六年侍湯藥如一日兄弟早卒善撫孀孤子姪患痘垂危棟焚香祝天願以子代姪俄而子歿姪愈又倡捐救生船金陵同善堂救生局俱立主祀

之

休甯縣志

汪國祥字汝嘉休甯監生繼母病侍湯藥七年弟歿撫孤成立獨力葬高曾以下十餘棺年二十餘喪偶終身不再娶

婺源志

程良吉歙縣文生母疾革以囊金授之良吉悉公諸伯仲及兩

兄歿析資爲九伯子五之仲子及己子各二焉

歙縣志

葉尙模字雪樓休甯副貢所生母早卒父憐愛之疾革予以三百金尙模受而昇其嫡長兄析箸時願得父書之半而已坐是貧甚然廉介不苟取咸豐初元舉孝廉方正不就

揚陳復撰傳

孫朝瑞休甯人監生幼孤嫂汪乳之及長事兄嫂如父母終身無違同治三年遇賊投河死奉

旌祀忠義孝弟祠

休甯縣志

江馨字韶石婺源文生父金匱知縣之紀有三子長馨次碧與馨皆孝友之紀馨碧先後卒馨哭父兄甚慟至於骨立撫孤姪恩勤如己子事母尤孝咸豐間董辦團練有捍禦功加國子監典簿銜

婺源縣志

潘周南字公輔婺源人同知銜幼孤食貧養母及長貿易稍裕

與弟姪析居讓肥取瘠村有善舉輸金皆歸美於親

婺源縣志

程震祥婺源人府學生異母兄病劇祈以身代歿後兄檢遺稿

始知其事又嘗拾遺百金還人

婺源縣志

倪篤圭字蒼錫黟縣人兄篤壘客東陽圭亦幕游粵東忽念兄心動辭幕歸適墜病歿無子圭傷之亦數月卒

黟縣志

程鑄字右陶黟縣人事庶母盡禮庶母弟最少鑄盡以膏腴產分弟而自取磽薄者同邑江尙櫓亦以敬事庶母聞

黟縣志

程大增字廣存黟縣監生少孤貧撫諸弟成家而後娶同祖弟

遠遊無耗蹤跡以歸復不壽敬養其叔父及諸姪無缺乏焉

黟縣志

王大成字治功黟縣人異母兄忠疽日夜扶持至數十起弟有急難三時行百餘里盡力營辦得解同邑王元永字廣堯其家

甚貧有弟六人皆元永節縮衣食教養成家四弟客皖北病危

元永徒步數百里襁負而歸

黟縣志

汪鼎銘字敬廷黟縣廩生汪文灝之子與弟良玉並爲賊掠索贖金留良玉爲質鼎銘奔回措如數或危其行泣曰不去弟休

矣徑往贖回

黟縣志

程慶治字尹耕黟縣監生鹽經歷同懷八人慶治出嗣伯父盡以所後產均分七弟獨力葬祖父母嗣父母本生父母又從九程崇禮字履中父歿盡推遺資與諸弟而自食其力監生俞正馥字見初屢以己資彌兄弟闕乏上事老母下植諸姪并修宗祠黃美輅黃瀾汪光彥並資給兄弟不倦

黟縣志

程握蘭字循陔黟縣廩貢太平府學訓導少喪母善養父志承歡繼母友愛幼弟終身不忍析產子軍功五品監生程恩煦字

郎仁承受祖業十取其一又獨力葬祖父母父母諸叔父母之

樞妻葉亦賢出簪珥以畢葬事諸兄弟相次歿撫諸孤如己出

恩煦子朝鈺字伯堅諸生母歿哀毀父慰之杖而後起彭縣志

俞政敷婺源人父病寢不解帶五年硯田所入分給兄弟婺源志

胡培孝績溪文生父秉虔任丹噶爾同知卒官培孝即日一慟

而死績溪縣志

張傳書字守丹績溪增生居父喪哀毀而卒又唐獻皋洪嘉紀

周錫岐汪為河汪鏡清胡端衷章元照章天賜章華國並以善

居喪聞績溪縣志

潘觀光字汝嘉婺源監生母歿哀慟嘔血卒生平好善歲饑貸

資平糶三次婺源縣志

金文藻婺源人幼喪母哀毀如成人父歿亦如之及繼母歿哀

勸旬日卒又王春錦父歿哀毀卒

婺源縣志

汪芳浩字仰賢休甯人父又祁陷冤獄偕兄芳澍控理未伸父竟以刑死芳浩泣血叩

關得雪奉

旨歸葬

休甯縣志

朱承淇字瞻菴休甯人母愛潔衣必臨河自浣承淇輒隨之會清明拜墓未歸母濯衣墮水死承淇隨即自沈時娶妻纔四十

日

休甯縣志

程啟誥字邨芳婺源監生自粵徒步奔父喪抱棺號泣而歿道光十三年

旌表

婺源縣志

胡根禧歙縣人賊至守母墓不去被害

歙縣志

重修安徽通志

卷三百二十八

人物志

孝友

徽州府

汪德椿歙縣人營葬祖母遇賊欲劈其棺德椿死拒不獲遂投

水賊去遇救葬畢服毒死

歙縣志

朱咸泰休甯人議敘八品賊至守母喪不去被害又朱復泰同

妻吳氏堅守母喪均死之

休甯縣志

江慶福字受其黟縣人咸豐間粵賊竄黟野掠至所居慶福與

弟慶祉侍母病不去皆遇害

黟縣志

吳龍富婺源人賊至侍祖母病不去被擄不屈死

婺源縣志

施文鏞婺源附貢母歿未葬會賊至撫棺不去卒無恙又嘗修

路濟貧費千餘金

婺源縣志

黃裳休甯人從九銜年七十負母避亂遇賊將殺母裳哀號請

代並免

休甯縣志

朱聖志婺源人負母避賊追騎至哀號求免賊感而舍之

婺源縣志

江朝宗字毓山黔縣附生母病牀蓐朝宗負走以避賊忽與賊
遇大呼曰無傷我母願以身代賊兩釋之又太常博士黃士鑑
負老母夜走避寇得免

黔縣志

王康泰字階平黔縣諸生負母避賊出走爲賊所劫欲殺母康
泰泣請代死其母亦求殺己以免泰賊並釋之

黔縣志

程敦彙休甯人父遇賊願身代賊感而並釋之逾年獨遇賊不
屈死又汪文澄程應煥見父被執一乞代一力救俱遇害姚夏
王洪汪庭芳朱仁楨並休甯人均以母被賊害憤鬪死又吳開

泰勸母被害自經妻許自沈

休甯縣志

汪嗣澧汪嗣沅休甯人兄弟學生甫十歲見母吳伯母朱遇賊
殉難均號哭不食死

休甯縣志

程仁欵縣增生嘗同汪熙禦賊府城陷奉母入山糧絕出負米

閩母被害奔歸悲慟不食死

敘縣志

章榮祥歙縣人父被賊執祥請代許之及父去遠罵賊死

敘縣志

俞允貞婺源人賊執其父貞請代父得釋允貞被殺

婺源縣志

周光祺字麟君績溪庠生負母避亂賊刺其母光祺以身蔽之

遇害

績溪縣志

洪玉同歙縣人年九歲父被賊殺玉同號泣罵賊死又胡慶瑞

江正泰吳呈祥均以父死於賊奔救被害

歙縣志

朱德隆休甯人遇賊護母身受七創死又陳長林運糧供母遇

害

休甯縣志

趙泰鏘休甯人賊至父逃鏘奉母避山中旋出尋父遇害又江

文昇見父被殺毆賊死之

休甯縣志

汪長敘婺源人隨父客武昌城陷賊殺其父奔救死之又張聯

發董緒綸葉盛高均救父殉難

婺源縣志

詹銓貴婺源人負母避難賊將追及囑其弟護母速行己與賊鬪死母賴以免又張塾秀王培俊王培生王發祥董迪鈞董乞仁均以護母被害

婺源縣志

金漢森婺源人傭工在外聞城陷號泣尋母遇害

婺源縣志

饒際榮祁門附生父被賊執救父罵賊同時被害又王芬林卽靠天葉嗣棟並以救父殉難文生汪景受以負母避賊遇害

祁門縣志

縣志

舒可文字彩芬績溪人僑居歙縣楊村寇警自成一隊保石砦

斃賊頗多後大雨賊忽屠至文負母奔避同時遇害

績溪縣志歙縣志

胡嗣遠績溪人幼受經書於母未嘗從師後負母避難賊追及

衛母被害又章誠負父遇賊被害

績溪縣志

汪彬字守均績溪廩生父爲烈死於賊彬以身衛之同遇害又
吳承焯歙縣人年十二祖母遇賊投水承焯號泣抱尸以殉

縣志

胡有如績溪人寄居歙縣年十四祖被賊殺憤泣罵賊死之

縣志

朱世康休甯人從九銜少孤服賈以母病歸賊至侍疾不避受
敵炙將死謂母曰勿急埋兒魂當在母側遂停屍破屋中後賊
屢至母走避屍所輒免

休甯縣志

程啟治休甯人兄啟煥啟泰拒賊力竭治奮勇往救同時殉難

休甯縣志

程立義歙縣庠生兄鼇與賊目鬪死立義懷刃伺賊賊刺之遇
害又程基蔽吳天福俱以兄死於賊殉難方宗棠以弟被賊執

力鬪死之

歙縣志

左和上黟縣人愍慙不自知其年備值事替父終身不娶謂有妻子則多費恐闕甘旨也父年八十餘乃終負土營葬歲時號

勵尋卒

歙縣志

汪湛恩績溪增生與弟監生爲筠篤友愛咸豐間爲筠被賊擄乘間投水死湛恩聞之泣曰吾且覓弟骸骨而後死耳不數日人見湛恩屍浮溪旁先是爲筠長子變因母病侍養未肯去賊至脅變不從殺之

兩江忠義錄

胡端衷字玉香績溪人幼失父奉母至孝母歿廬墓三年咸豐

十年殉難

兩江忠義錄

汪道鴻績溪增生父振甲年八十三臥病道鴻侍疾不去闔門

殉難又鄭灶林負母避難遇害章忠祥字繼發隨父炳輝入陣

救父力戰殺賊而死

庚申忠義錄
績溪縣志

周鐘錡字杏莊績溪人好學工詩父錫遐遇賊將死鐘錡以身

代俱免旣而同絕粒死

績溪縣志

章定順績溪人勸母遇害與賊鬪死

績溪縣志

胡大餘績溪人賊至母老不能行大餘與妻張氏及子女咸圍

守不去俱被害又胡嗣福亦以護母被害母獲免

兩江忠義錄

方梓萱歙縣人咸豐十年鄉團堵賊杉樹嶺梓萱奮往殺數人

賊援其村復扼險拒之十一年侍母於鴨頭遇數賊護母力鬪

被創死母乘間得脫

兩江忠義錄

余啟鉉婺源人奉

旨建孝子坊

婺源縣志

李承超婺源廩生同治十二年

旌表孝子

婺源
呈册

重修安徽通志卷一百二十九

人物志

孝友 六

甯國府

晉何琦字萬倫司空充從兄其先自潯遷居陽穀年十四喪父
哀毀過禮祭孝廉除郎中選補涇縣令丁母憂泣血杖而後起
柩在殯鄰火驟發撫棺號哭風止火息初仕以養母至是服闋
陸玩桓溫交辟並不就簡文召爲參軍辭以疾溫嘗登北山歎
曰此山南有人眞知足者著三國評論凡所撰錄百餘篇年八

十二卒

晉書本傳

唐蘇仲芳南陵人太和中父死負土成墳廬於墓側遠墳行哭

羣鳥隨之悲鳴

一統志唐書孝友傳敘

萬晏涇縣人以孝弟稱數世同居詔表門賜束帛有司歲時存

問并復其家

唐書孝友傳敘
册府元龜

楊懍旌德人光化中試太子校書行誼修飭自唐太和初至宋

乾道間數世同居累千餘口以孝友世其家

一統志

趙德儼太平人數世同居旌表門閭賜粟帛歲時存問復其賦

稅

唐書孝友傳敘

宋許遂字伯通規之子也規嘗稱族宣歙故遂居宣城早孤事

母盡孝鄉人勵其子曰汝獨不慚許伯通乎子俞字堯言幼失

恃父所嗜味遠邇畢至隨侍都下與妻子共食粗糲而奉饌頗

珍公卿多推俸佐之居喪以禮聞

江南通志

包整號南堂居士涇縣人孝友嗜學訓子方嚴貯書爲萬卷堂

子三人泰明泰亨泰有兄弟子姪聚居八十餘年有靈芝產其

舍舍人王芾名之曰芝堂

南國府志

汪文諒字叔達旌德人與兄文政俱尚義輕財累世同居凡一

千三百口天禧中旌表其門後以方物獻詔賜白金文諒請以

賜金易國子監書歸訓子孫詔從之

萬姓統譜

周廷堅涇縣人二親早喪二弟廷翼廷揚俱幼廷堅教育備至

友愛聞於鄉里所居有棗花間太守陳騏名曰和睦之家

南國府志

李經字天常南陵人母卒廬墓躬執舂鍤壘垣植松地故多虎

後遂絕跡

一統志

汪政宣州人累世聚居詔加旌表蠲其課調

宋史裴承詢傳

呂鏜字夢祥旌德人幼孤事母以孝聞嘗游宿亳間客潘氏不

御酒肉問之答曰鏜遠游親養不給敢自享厚饌乎政和三年

入京上書請嚴生子不舉之禁仕至鳳翔府判官時人爲之著

實德傳卓行錄其名甚顯

萬姓統譜
江南通志

俞極字伯高宣州人聚族千指家法肅然同居者累世軌道中

以狀聞詔表其門并復其家

江南通志
甯國府志

何自興甯國人父疾禱於神刲股以進三日而愈縣令余燦爲

作孝行歌以訓邑眾

江南通志

郭宏賓旌德人原名天鐸隆興進士聞父喪徒步奔歸廬墓三

年

甯國府志

元周道卿甯國人親歿於墓側築永思亭哀慕歷九年不改

江南通志

通志

明凌餘慶宣城人洪武初以匠役京師聞母病顛天刲股時禁嚴不得輒歸白於官以聞敕以所刲股付餘慶妻兄楊添一持

歸妻和糜進其母尋愈詔復役旌其門

萬姓統譜

楊慧宣城人有至性里人余慶童與慧父雲中表慶童以罪亡命雲匿之事覺連坐慧挺身代父行父不忍號泣固請乃哭而送之中途爲邏卒所苦天忽震電卒懼不敢動比入都怡然就

繫尋救歸

府志

張道榮旌德人事親篤孝父患痢母傷跌皆躬自抱持親爲滌

穢及卒結廬墓側守之三年正德中旌

江南通志旌德縣志

戴三元旌德人父品以黃冊事逮赴詔獄三元與兄隨至京鞠

問當刑兄弟爭代卒以三元代父死

江南通志

江休旌德人永樂初父坐事赴刑部臨刑屬諸子以後事休泣

請代父不肯休竟詣所司訟其事得釋父嘉其孝厚予之資休

曰此人子分內事豈可因以爲利辭不受

江南通志

周伯諒旌德人母病痢數年躬自澣濯不懈

府志

梅應魁宣城諸生父病篤禱於神願捐己算以益父比卒哀毀如禮既葬廬墓蔬食水飲三年始歸

江南通志

吳大經宣城人父宗周宦臨江繼母金氏偕往大經在家忽心

動犯江濤以行適金病亟侍藥送死宗周病癱吮臍嘗糞居喪

骨立旌祀孝子祠

江南通志

宣城縣志

按明史稿孝義傳

志俱不載如爲大經父傳中亦宜

教及疑史稿誤以大經爲宗周也

陳希良字克宗宣城庠生母病衣不解帶者累月及殯廬於墓

朝夕哭奠父歿亦如之

江南通志

俞瓏字汝霖宣城人幼失怙母病篤顛天刲股得愈母終廬墓

三年詔給冠帶旌之

江南通志

朱時俊宣城人父夢桂病死數日俊痛不忍蓋棺願神求代父

果甦已患癱痿俊刲股和丸進之復起

江南通志

費有時字子雨宣城諸生孩年母病輒泣不食父好客而家貧必多方召客爲歡母卒廬墓弟性流蕩有時以母命終身不析

箸

江南通志

徐棠字友之宣城人母病刲股額天果得異人投藥而愈居喪廬墓未嘗見齒歷任婺源尉氏學博所得祿悉散宗親

江南通志

陸可宗字省我宣城諸生父病篤刲股以進獲甦同邑汪昌字大旗母喪廬墓三年歲饑造齋徧路撤樓板爲棺瘞之正德中以貢授進賢主簿

江南通志

孫國訓宣城人母卒廬墓三年虎踞其前略不爲動

江南通志

吳日通宣城人與弟日遇同居六十年不忍折箸人稱二難

通志

潘甯海宣城人六歲時父客外音問久絕甯海圖父像號泣中

野後獲父柩於淮邳千里裹骨歸母患膈刲股以救

江南通志

張昭南陵人年十四父邁危疾刲股和糜以進獲愈及卒哀毀

骨立喪葬以禮

國朝雍正八年

旌表建坊

江南通志甯國府志

吳珍南陵人性友愛弟疾篤告天求代不數日弟愈珍以疾歿

其弟撫其七子勝於己出

江南通志

沈仲煜南陵人弱冠時母歿守棺不入私室比葬廬墓側朝夕

哭泣父憐而召之不歸以疾卒遺孤甫歲妻詹氏守節撫之成

立人稱一門節孝

江南通志甯國府志

劉邦正南陵人年十六父病篤刲股和藥父夏月思蠲邦正號

泣水漬得二蠲疾愈每朔望告天願減己算益父果仆地死御

史宋壩聞而祭其墓

江南通志

丁楨南陵人兄子涿論死繫獄楨恐兄絕嗣請於官願代涿死

獄成知縣胡文靜察其枉白而釋之

江南通志

何正人南陵人七歲時母病浮腫正人以手接之而泣母喪臥

尸側請母泣勸之乃起父卒廬墓三年事聞給冠帶旌之

江南通志

方必通太平人年十五父病刲股以進得愈及卒廬墓三年祀

郡孝子祠

江南通志

陳曾太平人家貧傭工養親父母病皆糜股以進及卒先後廬

墓六年

甯國府志

李宛仙太平庠生居喪哀毀廬墓三年

甯國府志

沈壽隆宣城人生而孝友析產惟嫡母命兼聽兄便家遭盜壽

隆衛母受傷仆地母得無恙領夫啟丁卯鄉薦崇禎丙子舉賢

良方正不仕

甯國府志

曹七善南陵諸生事父孝嘗於姑蘇旅邸獲徽商所遺八百金
留五日候其人還之歲饑輸粟五百石助賑

國朝乾隆九年以孝行

旌表建坊

江南通志甯國府志

孫懋藩宣城人親疾判股療之歲歉出穀賑饑道殣者瘞以樽

鄉人德之

甯國府志

邵樸元太平人萬歷戊午舉人事親孝時詔求異才當道交薦

樸元以親老力辭不就嘗買婢泣不已詢之知有夫且有孩未

離乳卽呼其夫至以券還之後主教白鹿洞書院

甯國府志

宗樂宣城人事繼母孝友愛諸弟內外無閒言事聞授冠帶旌

之同邑錢大用孝事孀母四十餘年負米承歡如一日

甯國府志

嚴大本南陵人刲股療母屢喪廬墓三年

江南通志

朱慶福涇縣人年十六嫡母蕭氏病篤慶福貧甚不能具湯藥

卽刲臂作糜進之而愈

江南通志

洪希泌涇縣人一歲而孤爲伯所撫伯病劇刲股和藥伯卒處

墓三年

江南通志

趙桂枝涇縣人年十三游兵執其父露刃索金桂枝出叢薄間

抱父兵以刃揮之號泣不忍釋俱被害

江南通志

何炳南陵諸生盜執其父欲殺之炳挺身出救遇害父得脫

江南通志

通志

汪文英甯國人五歲失恃哀毀如成人敬事繼母徐氏兄文光

歿鞠育二孤逾於己子

江南通志

林桂芳太平人父倬卒於官千里扶襯歸賊劫其母桂芳翼之

被創死母得免

江南通志

張廷翰旌德人幼失怙七歲授小學至雞初鳴衣服至寢門問

安問於師曰此可行於今否師曰何爲不可卽每日雞鳴盥漱

衣冠候母聞辨聲輒欣然去或母微病不食翰亦不食母歿四

時薦食如生

江南通志

江景宗旌德人力耕養親父病危號天請代父卒廬墓三年天

啟中以孝旌

明史孝義傳敘

甯國府志

呂賜宗旌德人母病剗股療之兄舉宗無嗣撫遺女若己出歲

饑傾資賑粥數月又嘗塗拾百金候其人還之

江南通志

鮑邦志旌德人母病劇持刀抉胷取肝食母立愈崇禎初詔賜

冠帶卽守爲建孝子祠

江南通志

林文榜太平人萬曆間大水父溺溺從樓陞下援之與父俱殞

江南
通志

孫世賢太平人父客死燕邸徒跣扶輓歸距家半里無廬可倚
晝夜抱棺呼搶族人爲葺數椽虎踞其側不色動廬傍忽涌甘
泉旣三載咸勸歸泣曰禮未葬不變服吾何歸乎及葬始除服

江南
通志

焦天燭太平人甫八歲刲股愈父病母疾亦如之客涪安於張

公祠得遺金一囊會遺金者與逆旅主人爭鬩來誓於神詢而

還之其人分謝不肯受因勒碑祠內以彰其美

南國府志

賁汝悌宣城人父病嘗穢及卒廬墓三年

江南通志

感學傳宣城人事孀母能怡顏承志母病嘗穢求醫祝天請代

母絕復生事聞給冠帶旌其門

南國府志

蔡欽宣城庠生父喪廬墓哀毀成疾

宣城縣志

曹鐸南陵庠生父歿廬墓有碧雞黑虎之祥

國朝乾隆九年

旌表建坊

南陵府志

周儀字宗式南陵人正德庚午舉人父母既葬廬墓三年後宰

宣平有廉愛聲

南陵縣志

夏守烜南陵人母病籲天求代及卒哭殞苦次後葬母於燕邑

廬墓三年同邑汪元祖亦以親喪廬墓聞

南陵府志

黃思齊南陵人父爲仇所誣陷思齊徒步追隨年甫十三醫指

血上書控父冤竟得平反父卒廬墓三年仇亦爲之感化

南陵府志

徐賢字思聖涇縣人宏治壬子舉人母疾焚香告天請以身代

母竟得痊後就教職卽以養母乞歸母年九十九卒卒之日賢

一慟而卒

南陵府志

趙寵涇縣歲貢父昌爲布政使卒於官迎櫬入門俗信巫覡沮

之寵哭爭如禮事母朝夕侍側不忍離竟不就官而卒

涇縣志

王鎰涇縣人知府達之子嘗侍父北上遇盜以身蔽父願代賊

釋之

涇縣志

徐士傑涇縣人母疾危刲左股以進病得愈父卒廬墓終制回

邑沈萬宰父暴疾嘗穢知其苦以告醫者父病得痊及父母繼

卒咸廬墓三年事聞並得旌

涇縣志

程榮涇縣人御史富兄父疾劇醫云須得陰陽血和丸服榮與

妻凌氏夜焚香告天各取股血以進果得愈

涇縣志

查本固涇縣人親喪廬墓三年妻李氏事姑孝養備至亦賢婦

也本固爲郡縣所欽舉鄉飲授冠帶

涇縣志

翟質涇縣人母病經年不解帶刲股療治不令妻孥知之同邑

汪廷杲以樵採供母年十三母病刲股以進及卒殯送如禮又

王守恭年十二刲股以愈母疾

甯國府志

趙夢麟涇縣諸生嘗刲股療祖疾萬厯時歲饑爲父士禮輸穀

二千石以賑事聞得旌

甯國府志

陳伯和涇縣人父年已八十患喘疾伯和刲左脇出肝熱而進

之病竟愈知縣李鸞勒石誌其事

甯國府志

查溥清涇縣人母歿廬墓事繼母撫庶弟人無閒言

涇縣志

洪一麒涇縣人幼失母事繼母如母弟一麟早卒撫其三子如

己出子苞字儀士麒病篤苞刲股和丸以進得愈里人爲之語

曰孝子之後常生孝子前有聖瑞後有儀士

涇縣志

陳大任南陵人母病刲股以進及卒事繼母念母吞聲飲泣致

病幾絕有道士以丸投口中大呼曰汝忘汝父耶遂蘇

甯國府志

屠義民甯國廩生母卒哀毀廬墓三年不離苦塊子元諧亦廩

生事母盡孝居喪廬於墓側兄元誠病篤躬視湯藥

甯國府志

黃一榮甯國人父母病劇刲肝療之及卒哀毀廬墓

甯國府志

何應元甯國人母歿廬墓極終身哀慕之誠後以貢就教職升

蜀令有清名

甯國府志

劉邦基甯國諸生母亡廬墓三年甲申後復依墓側三年後竟

不知所終同邑章之煥候選主簿母歿廬墓事之如生

甯國府志

呂文奎旌德人母病劇禱神請以身代而愈及親故廬墓三年

同邑張廷旭父母病皆泣禱以身代及歿廬墓三年

甯國府志

張昌旌德人父病取糞嘗之以告醫而疾愈

甯國府志

江壽蔭旌德人母邁厲幾死朝夕調護目不交睫哀禱於神請

以身代母愈而壽蔭竟死

甯國府志

江添宗旌德人父傳官河南洧川教諭有疾添宗在家心動卽束裝千里奔省本繼伯父後貲產頗饒並以均諸昆弟不自私

父欲治家廟與家塾起義冢皆能力繼厥事

南國府志

汪若校旌德庠生母病刲股以進得愈同邑王廷聰官廣陵驛丞父病刲股以進同官爲申詳本府以表揚之又劉大珩王賢

生姚懋功方昂善姚祥應湯希孝皆以刲股聞

旌德縣志

呂崙慶旌德人母病痢不能起崙慶以手承之久而不厭竟得愈同邑呂茂蔭父病革異母弟甫三歲父屬善視之及父卒友愛倍至旣長取父遺產分之毫無所私

南國府志

姚偉昌旌德人母歿廬墓與弟不析爨同邑饒遂興一家百口

同爨無勃谿卒年九十九

南國府志

皇甫應興旌德人甫九齡父病篤請以身代尋愈友愛二弟濟

困恤貧閭里親之同邑江廷模父母病額天請代藥必親嘗及

卒哀毀廬墓終喪

甯國府志

劉光煥旌德諸生母病嘗藥朝暮禱代尋愈體先志置田四十

畝以資族之讀書者

甯國府志

李廷材太平庠生與兄廷相弟廷桂五世同爨累百餘口家政

肅然

甯國府志

焦守敕太平人性至孝父老不堪粗糲敕爲傭保得錢卽市酒

肉以供父有所嗜必力致之病視湯藥朝夕不離卧所

甯國府志

呂元良旌德人父歿哀毀骨立及母終亦如之不入寢者三年
又置釣鼈書屋以課士捐義田數十畝以濟窮乏

國朝乾隆二十五年

旌表建坊

旌德縣志

重修安徽通志

卷三百三十九

人物志

孝友

十

甯國府

王興宗太平人生數歲父往遼東久不歸興宗年未弱冠獨往尋之數年徧歷崎嶇不得傍徨欲死忽遇一老人詢問因告之曰汝父歿已久矣曾遺一齒於余家遂奉以歸招魂葬之

太平縣志

孫時潤太平庠生母喪廬墓三年

太平縣志

焦文治太平人少失父貧甚冬月解衣以煖母母憐之輒自用力使汗出以示無寒意母病禱神並父墓得愈人以爲誠格天

啟元年旌

太平縣志

杜克容太平人少孤事母最謹母病刲股以進得愈及卒終喪

不入內寢

太平縣志

王大黑太平人甫總角能文母病篤大黑悲慘自爲文禱神祈代是口便卒而母得愈

太平縣志

梅士學宣城人萬歷舉人事父孝謹奉嫡母能得其歡心鄉居

不廢城市人稱真孝廉

江南通志

劉芳顯字孔昭宣城人性孝友貧甚游於京師名籍甚歸罄所得營葬祖父母爲諸弟完婚并爲從弟完婚以承叔祀

江南通志

杜三陽太平人爲父母及兄刲股者四遺產悉讓其兄宗人有遺糧者爲破產償之

江南通志

左鐵涇縣人弟早卒遺一幼姪有以人命誣其姪者鐵匿姪挺身任之數被拷掠人或勸之鐵曰吾有子弟止一孤我死代姪可也鐵死而事白姪得免

江南通志

梅有振宣城人母病痿負而卧起者十餘年兄歿撫遺孤如己出平生焚券濟困諸事不勝紀

江南通志

孫顯道宣城人兄弟四人已析箸以季負糧繫官破產贖之乃

復合食歷三世無敢言析者

江南通志

黃石宣城庠生母病數年石親扶卧起侍藥拭穢其大母病亦數年石事之如所以待母者

採旆聞章所作墓志

姚汝弼宣城諸生性孝庭有杏母所手植母卒汝弼每攀樹號泣顏其堂曰存杏子嘉藻母老目盲日夜扶持兄病刺手奉澆器者月餘兄卒撫姪如子與弟嘉穀友愛不析居後穀領鄉薦知武岡州有廉聲升真定同知歸建義學義倉

甯國府志

王朝諍宣城人繼母病刲股以進得愈年三十妻亡朝諍感其善事舅姑不復娶

甯國府志

程一仁太平人九歲母病刲股以進得愈及卒廬墓三年

甯國府志

黃旺太平人黃兆麟之養子邑鏡嶺多以匪竊爲業巨奸黃永壽爲首惡獨麟不附壽銜之一日醉而辱麟相角致斃旺歸自田曰父老弟幼願身任之奔縣自首百拷不易獄具引領就

屍歸弔祭者七十里爲立祠

甯國府志

黃學易甯國庠生父病刲股以進得愈及卒廬墓三年同邑庠生凌美亦以刲股廬墓聞又許良弼亦庠生母喪廬墓嘗拾遺

金守而還之

甯國府志

成蛟涇縣庠生明末兄虬游宦客死兵亂道梗蛟備歷艱險入

閩扶櫬挈孤寡以歸

甯國府志

重修安徽通志卷二百四十一

人物志

孝友七

南國府

國朝王孟心宣城人順治初父爲賊所劫掠其家挾孟心同父去
中途留質其父縱孟心歸約輸金來贖孟心鬻田宅馳往賊已
爲官兵所逼他逃不得父處將引刀自裁一老僧勸之行踰年
得遇贖父歸家父卒母年八十餘孟心亦老朝夕猶躬自扶持
子孫請代不許南國府志

方士達旌德庠生母喪廬墓父卒刻像事之事繼母盡孝順治
九年

旌表建坊江南通志

楊茂漸宣城人母卒廬墓哀感行路同邑劉一幹父卒廬墓大

水浸廬抱樹而棲眾勸歸不聽

甯國府志

夏曰瑚南陵庠生親歿廬墓順治丁亥水災煮糜載舟沿隄餉

之嘗應闈試諸少年誘登妓樓扃戶試之兀如木人

江南通志

蔡容宣城人嘗隨父入山遇虎容左右翼蔽以身委之虎搖尾

去父卒廬墓泣血聞者動容

甯國府志

劉良俠宣城人弟良偉爲賊所掠挺身跡至錢塘及之爲賊所

覺縛投江中值漁舟救之得起卒以計攜弟還母病刲股療之

父母繼卒廬於墓側虎豹遠跡

甯國府志

馮邦彥宣城庠生父病刲股療之不效夜叩天將剖肝以救忽

聞父呼已霍然起矣及卒廬墓終喪

甯國府志

崔芹芳太平人父大鵬有弟大鶚早卒遺孤名維國順治乙酉

邑有奸民煽亂都督帥兵掩捕誤執維國大鵬不忍孤姪就戮
挺身代之芹芳赴軍門又求代父不納遭鎗擊幾斃都督訊得
其情曰烏有孝義之家而從賊者乎俱釋之後父卒哀毀廬墓

三年

甯國府志

施烜南陵人十歲時父爲賊害烜抱尸哭踊絕而復蘇寇爲感
動釋而去乾隆九年

旌表建坊

甯國府志

陳尙老太平人兄鶴老死於閩勾資奔喪函其骨歸每止宿淚
漬衾枕比歸嫂焦氏見骨遂以烈殉尙老爲合葬之

江南通志

湯世攻太平人父疾二年不解衣帶處州賊起父不能避世攻
號泣閤門以待寇忽至門而返兩臺聞之改其里曰仁孝

甯國府志

程順太平人母卒厝柩屋旁事之如生康熙戊子蛟水陡發順

護母棺不能支抱棺痛哭而死

甯國府志

王際康字五清南陵人康熙乙丑進士母早卒日侍父寢跣步

不離中衣廁踰身自浣滌父疾禱天求代吏部以中書擬用堅

不赴

江甯通志

高化龍宣城人祖父因事戍邊化龍閒關萬里尋得遺骸滴血

負歸

甯國府志

趙鳴皋字聲九涇縣庠生初應童子試時猝聞縣令傅九鼎死

非命輟府試爲發喪幾羅大禍曾傳案得直獲免業師施某爲

人所誣黜衣巾鳴皋哭旬督學爲伸雪父病刲股以進妻張氏

亦刲股飼姑又刲股以療皋病子庠生鍾峻年十五又刲股飼

母一家皆以孝著

甯國府志

周之期太平人家貧父兄繼歿竭力奉母孀嫂孤姪皆仰給邑

有兵燹居民皆逃之期令嫂姪先避自負老母行吐血不止且

吐且負得俱脫後血症亦愈年過八十

甯國府志

李元美太平庠生性孝友好義子孫遵其訓六世同居食指數

百各務正業不蓄私藏

甯國府志

朱之寰南陵人父病不解衣帶數月母病復割股調藥後母又

染瘋疾侍奉不敢暫離食指數百共爨五世嘗守遺遺金捐數

助賑有鬻妻償逋者亟鬻莊穀贈之俾得完聚

甯國府志

崔光太平人祖國屏治家有法百餘口同爨無閒言光守先志

有兄六人獨治家政五世不析產經營義倉歲歉賑給族無饑

饑

甯國府志

許兆衡南陵人六世同居雍睦無閒嘗拾遺金百坐待其人還

之

甯國府志

張永世南陵人五世同居歲歉恤鄰賑族嘗修治奎湖石路行

旅便之

南國府志

梅驥字巨源宣城歲貢母卒殯於內寢事之如生三年中讀禮殯側泣血漬卷皆赤居父喪哀毀亦如之初聘馬氏女得廢疾其家請別婚驥不可踰十餘年病益劇女感激曰不可不絕其望投水死驥傷之更三年年四十而後娶

南國府志

駱佶龍宣城人母卒事繼母如母先是兄弟已析產及繼母生弟位龍父已無產可析佶龍忻然以已產析之後位龍早卒撫其孤如己出族弟羽先孤而貧養之於家爲娶婦

南國府志

耿肇邠宣城庠生幼失恃孝事繼母父卒肇邠年已五十哀泣廬墓大雪嚴寒不歸兄弟十人友愛無間老友湯學尹卒子進幼撫之於家授以經妻以長女

南國府志

張國維甯國庠生十歲時父繫獄號泣不離兄被盜誣挺身力
白冤得雪子班字又超廩生母卒偕弟鵬廬墓國維命之歸班
奉木主於庭斷葷酒泣慟三年

甯國府志

趙崇庠涇縣人族有與其兄崇襄同名者罹辟嫁禍於襄襄適
赴山左有司捕家屬庠出詣獄擬徒襄歸將自陳庠不從遂偕
往限滿得釋

甯國府志

王養元南陵庠生母病刲股以進得愈兄卒子幼一切俱獨任
之弟被誣力爲營救不令弟知

甯國府志

孫喆宣城人年十二父卒哀毀如成人母歿廬墓三載雍正二
年舉孝廉方正授六品冠帶

甯國府志

趙維翰涇縣諸生母卒哀毀骨立遂設榻父臥旁二十餘年如
一日邑遭水災尸骸枯體徧野就淤泥檢拾浹旬置棺槥瘞埋

之甯國府志

呂永吉旌德人十歲時父喪明左右扶侍跬步不離冬月母病思食鮮魚永吉冒雪覓得魚於冰上人以為異後官太湖訓導

士有去思甯國府志

項瑄太平庠生父患背疽晝夜侍湯藥聞呻吟聲跪牀下撫摩

之衾褥虎子躬自洗滌析產推腴取瘠惟聽諸兄之便甯國府志

劉汝鳳宣城廩生性孝友弟卒撫姪如子衣食婚娶皆任之族

黨無後及貧不能葬者佐之姊寡而瞽迎養之甯國府志

胡關華甯國人父疾刲股以進及卒廬墓三年甯國府志

劉正思宣城增生早失怙母病瘼日夜撫摩十餘年不離臥側

及卒廬墓三年甯國府志

張羽太平庠生幼出嗣伯父為後邑有兵躡所後母年老疾篤

烈子身扶持避兵備歷艱險及卒廬墓三年同邑庠生孫時潤

母卒廬墓哀感行人

甯國府志

周廷對旌德人早喪父事母孝妻逆母命卽謹出之事祖父與繼祖母視膳問寢久而愈篤祖歿築墳遷母耐葬廬墓三年雙舉孝行

旌表建坊

甯國府志

宋大忠旌德人事祖母與母盡孝數十年如一日母卒廬墓三

年

甯國府志

李蔭宣城人事母孝母病刲股以進得愈同邑金守興父疾刲股愈之母疾又刲股進亦得愈

甯國府志

方正範南陵人母病刲股禱天求代未幾卒而母愈子二長倬次伸倬六歲而孤母病刲股作糜不自知痛伸後官汀州奉檄

重修安徽通志

卷二百四十一

人物志

孝友

五

甯國府

會城邁危疾子于暎割股飼之頓愈福州守顧倬爲作誠孝說

甯國府志

朱飛霞南陵人父病衣不解帶四十餘日醫左臂以進得愈母

病又割右臂進亦得愈

甯國府志

程萬昇南陵人母瞽而病刲股以進病愈而目亦明及卒廬墓

父卒亦如之虎臥廬外蛇繞榻前相習不爲異

甯國府志

孫省宣城貢生天性孝友母歿廬墓虎宿於側馴伏不驚兄卒

撫姪如子後選授太康令卒

甯國府志

梅琢成字武修宣城人康熙丙子舉人隨父公車舟泊山東夾

馬營遇盜琢成以身蔽父受刃落水而死盜驚散父得免

甯國府志

胡堯齡字京三涇縣附貢父應試卒江甯堯齡僅十歲兩晝夜

奔赴扶柩歸母喪廬墓一夕夢大水浸棺覺而徙葬未幾原葬

處蛟起人以爲誠孝所感雍正七年

旌表建坊

一統志 江南通志 甯國府志

洪守仲涇縣人母病刲股以進得愈有賊劫其家伸當門泣訴

旬勿驚母使婢子罄所有遺之賊感動不取而去

甯國府志

周日朋宣城人母卒侍父寢處不暫離及卒居殯側三年同邑

劉一韜吳光祚皆以親歿廬墓聞

甯國府志

劉子鱗宣城庠生盜以火劫其父子鱗躍入火中請代盜感其

誠釋之

甯國府志

沈廷璐宣城庠生壽民孫也父公厚畱滯於粵吳三桂反滇南孫延齡據粵西音問不通者八年廷璐稟母出尋曰不得父兒不歸矣子身徒步出入兵燹行乞哀號者萬餘里踰年得見父

於貴州奉以歸

甯國府志

吳雲龍涇縣人父之瑜明季死節於辰州音久不通有偽作之
瑜書索金三百以償逋者雲龍措金至漢口始得父死狀潛入
其地以金啖土人知埋骨處乃護骸歸復開關至辰訪得母及
姊弟並祖骸挈歸鄉里平居卹族黨助婚嫁又嘗在金陵購地
埋浮槩百有餘棺

涇縣志

湯友太平人其父延師受業夜半賊至眾皆驚避友曰父母與
師在此當以死衛賊隨逸去乙酉冬土盜竊發入友家友升屋
以瓦擊賊呼曰吾父母老爾若驚之誓不俱生一賊自後射之
洞胷死事聞各憲檄師四出盡殲其類

甯國府志

胡曾琦甯國人母卒終身茹素嘗承父命遺出忽心動奔歸則
父猝中風得面訣及卒廬墓以哀毀卒雍正八年

旌表

一統志
江南通志

徐強南陵人雍正十三年以孝行

旌表

一統志
江南通志

汪元霄南陵人乾隆二年以孝行

旌表

甯國府志

何繼濟南陵庠生性孝友歲歉體父志出穀以賑飢者鄉人俞二曹滿坐冤獄妻子將離析爲出貲白之以全其家乾隆四年

旌表建坊

甯國府志

汪觀瀾旌德人父永年旅卒扶柩歸里俗謂返宅不祥觀瀾不聽殯於中堂祭葬如禮又善承父志建石梁賑穀給棉不下數千金郡中試院偪窄率姪輩捐資重建乾隆五年以孝行

旌表建坊

甯國府志

荀士蕙宣城人髫年喪父哀毀骨立廬墓十三載事孀母孝妻

亡不再娶乾隆五年

旌表建坊

南國府志

孫仲遠南陵增生母卒哀毀父亡廬墓兄爲仇陷挺身營救事得白明季大饑傾囊以賑舉家粥食不顧也後舉孝廉方正乾隆六年

旌表建坊

南國府志

趙敬涇縣人八歲喪父事母孝母性嚴稍有厲色必長跪引咎凡助賑掩骸修學宮置祭器養孀嫂孀妹立孤成家皆體母意爲之乾隆十年

旌表建坊

南國府志

趙明耀涇縣諸生十歲時母疾籲天求代母覺有神扶之病立痊父卒慮墓三年母亡亦如之乾隆十八年

旌表建坊

甯國府志

戴廷瑤南陵人母病割股以進父患蠱疾又割股凡五次越五年復疾又屢割以進肉盡骨見人皆憐之同邑陶德澄割股療母程之鑑割股療祖母查贊臣割股療祖父及卒廬墓三年

甯國府志

馮希傲南陵人父病中衣寢褥皆親浣滌久不痊割股以進得愈同邑張文侯農人也母病割股以進服之而愈又吳一開年十五父病衣不解帶割股療之得愈又庠生陶達年十五時母病篤與兄成忠各割股進得愈兄弟友愛終身無間言

甯國府志

查先登涇縣貢生父疾與妻翟氏各割股以進得愈同邑王世耀嘗剖心以救母得愈

甯國府志

王佩涇縣庠生年十二時父病割左股療之母病又割右股療

之皆愈同邑施雲攀年十二割股療母汪尚鏡年十二割股療父胡尚策年十三弟尚簡方十歲母病兄弟各割股以進竟不治哀毀過甚相繼而亡又有王秉政鄭守縉鄭守志查志第胡天棟洪有杉葉兆恩徐采徐勳徐翻徐原首徐文芳徐鐸徐寬胡允忠汪尚繪趙廷擢馬廷珍江天訓鄭日霖鄭守中章漆皆

以割股救親聞

甯國府志
涇縣志

楊正芳甯國人少時祖病割股療之事親盡孝不少懈至於解

紛恤貧全姻睦族咸稱善士

甯國府志

程良振甯國人母病割股及卒廬墓邑令欲為具詳辭曰此豈

可市名者仍構小廬繪圖奉侍

甯國府志

徐時寬甯國人父卒居喪哀痛廬墓三年

甯國府志

郭寬生旌德人母病割股進之得愈歲歉買米以賑同邑周道

懷父病剗肝以進得愈又宋宏鵠母病割股以進父卒廬墓三

年

宿國府志

鮑守才旌德人客於蘇母病上胥門城禱神剗肝療母死而復蘇母病旋愈以孝行

旌
宿國府志

舒世安旌德人執藝事以養親母病額天割心破胃見肺乃剗肺昏仆爨下其妹爲之和康以進病立愈父歿廬墓兄弟六人皆友愛當世安病創時兄弟皆灼艾以分其痛

宿國府志

姚天臺旌德人父病齧臂和藥額天求代得差及卒哭泣幾至

喪明同邑王世猷父病剗股得愈後復病嘗冀知不能瘳哀泣

欲絕又方逢校十二歲時母病剗股以進得痊當歲試出場後

聞父病革星夜遄歸報人踵至眾勸速往逢校曰此何時乃欲

就功名耶遂以招覆不到見遺

甯國府志

項聲太平人數歲時父病篤割股以療不愈哀毀欲絕事母極孝母疾左右撫摩不息及卒居喪一循古制既葬卽廬其側哀

感行人

甯國府志

程祚太平庠生七歲時母疾禱神求代割股和藥以進得愈後居喪哀毀骨立三年不入寢室年踰七十見父母遺像猶涕泣不能止

甯國府志

劉允狝宣城人幼喪父對木主時時號泣婦失母意允狝見母不憚必長跪請罪婦亦叩頭謝母色怡而後起母卒終身無歡

容

甯國府志

楊一棖宣城人母病篤晝夜憂泣嘗糞驗之竟不起嘔血數升

一慟而絕

甯國府志

萬庸宣城庠生幼失恃繼母性嚴長猶受撻母年八十庸亦六十餘侍奉無晷夜母乃喟然曰有子如此吾雖無出豈有恨哉及卒廬墓如禮

甯國府志

劉應熙字賡起南陵人光祿楷長子初楷將之官念母老不能迎養熙甫弱冠請曰大人行矣大母左右兒任之凡侍奉十餘年父告歸熙始以廩貢教諭東流升知壽陽是年父壽六旬或促之赴任熙曰奈何以五斗易此一日歡竟以遲限停俸後升

知州卒

甯國府志

汪燦南陵庠生四歲喪父繞棺悲號年十七割股療母季弟早世以遺孤屬燦撫之如子

甯國府志

葉正萃南陵人三月而孤母以哀勞致痿痺正萃稍長卽扶持不離跬步及卒廬墓時或大哭人與之語不知也尋卒同邑朱

國賓父卒廬墓三年母卒葬繁邑結廬其地守墓三年

江南通志

國府志

秦柄芳南陵人母疾割股不愈及卒自傷貧賤喪葬不能如禮

晝出傭工夜則宿墓父歿亦如之竟以哀毀卒同邑庠生俞一

鵠父母繼歿前後廬墓六年泣血茹素事庶母尤謹

南國府志

吳尚灝南陵人父母繼卒廬墓不歸

南國府志

何士閔南陵人有族何滿者盜葬其祖母冢士閔訟之官三年

不得直撫憲檄南繁二邑會勘滿健訟事仍未白士閔大慟觸

碑而死令義之勒滿起棺題曰義士何士閔墓

一統志江南通志

葉大雯南陵附貢侍父疾數月不解衣帶弟早卒撫其遺孤如

所生嘗捐金三千修邑明倫堂歲饑捐賑每費千金皆承其父

志爲之

南國府志

張裕南陵人祖病革父明經忠義籲天求代裕方八歲泣曰父不可死兒願代父以代祖隨向天密禱未幾果病家人強以藥吐弗咽曰祖未痊吾何藥爲且吾業告天矣垂死囑人曰毋令

祖知

江南通志

陶性南陵廩生父病籲天願減己算父旋愈居喪哀毀茹素三年不入內室友愛兄弟析產讓腴歲饑鬻產以賑有鬻妻者爲出資全之

南國府志

汪炳南陵武舉母病刲股以進得愈弟卒姪貧分己田與之歲饑賑穀數百石

江南通志南國府志

朱懋升南陵人父病隆冬思食鮮魚懋升不避冰雪百方求之數日有人持雙鮑至喜而歸予之值忽不見眾異之父卒廬墓

三年母病瘋與妻奉侍不離寢處者二十餘年

南國府志

秦炳南陵庠生七歲失恃一慟幾絕父患膈炳亦不食及卒廬墓先已析箸兄卒子幼復合爨撫之成立歲歉鬻產以賑

南陵府志

徐可椿南陵人母病誓朝之以舌舐之三年復明及卒廬墓六

載猛獸俱馴同邑庠生劉鏘九歲誦孝經卽知額神以延親壽

母病垂危泣禱身代得痊人以爲神祐

南陵縣志

翟時邦涇縣人操舟爲業性孝父母反目誓不共食時邦泣諫父怒撻之卽設兩爨竭力供食父母繼卒自初喪迄禫祭哀感路人乾隆三十七年

旌表建坊

南陵府志
涇縣志

汪九璽涇縣人父卒孝事嫡庶二母撫育三弟成立嘗山行遇虎弟傷三人並坐樹下雷發二人死九璽獨無恙左右鄰遇火璽廬獨完人以爲孝感乾隆三十九年

旌表建坊

甯國府志
涇縣志

趙善彩涇縣庠生少喪父哀毀如成人事母孝終身孺慕事婦
娘以禮教幼弟成立乾隆四十六年

旌表建坊

甯國府志
涇縣志

鄭乾祥涇縣庠生八歲時父患痿痺食必以箸進之冬更溫之
於懷父卒恐觸母悲日至野外痛哭忌日上食哀如初喪同邑
諸生屬天祐父病十七年日侍湯藥跬步不離及卒哀毀骨立

甯國府志

章元祀涇縣人父母早亡祖母病瘳不能行扶掖左右不離者
二十餘年及卒廬墓同邑汪子杞年十五父卒結廬墓側曉歸
供母晚復至廬徹夜痛哭如是三年母毀其廬乃歸又鄭鏡梅
輅趙懋貞趙汝澤皆以親歿廬墓聞

甯國府志

重修安徽通志

卷二百四十

人物志

孝友

七

甯國府

馬三錫涇縣貢生善事繼母能先意承志母目盲偕妻每夜虔禱達旦忽漸明同邑包大典母病目盲日夜虔禱亦得復明

府志

鄭一左涇縣人同弟一右皆業樵父遺賈死於外兄弟往尋於

荒山亂冢間號泣八晝夜夢神告以柩處得攜骸歸

府志

陳本森甯國人事孀母孝母中風臥床蓐十二年本森夜不解帶就牀下席地而睡不暫離

府志

戴若溱旌德人生二歲父遠遊不返若溱採樵養母年二十三母卒泣曰兒不敢遠出尋父者以母無所養也今復何待耶遂哭母墓而行訪數年遇鄉人言其父滯淮安至則其父已歿乃

慟哭扶柩歸與母合葬

府志

姚紹青旌德人性孝友妻亡不娶育弟姪使得成立親卒廬墓

後年九十猶策杖登山墓祭

甯國府志

章有才南陵人八世同居內外九十餘口略無閒言螺牛同欄

不相蹄齧

甯國府志

楊思通南陵人父病痢侍奉數月暑爲蚊咬成瘡不自知又患痰證臥蓐六載躬濯垢污及卒厝柩舍傍晨夕哀泣母卒亦如

之

甯國府志

鄭思海涇縣人七歲時父母不協母欲捐生涕泣抱持得免比長娶婦偕跪親前委曲求懇得如初居喪哀毀督學姚三辰旌

以孝友維風額

涇縣志

張應棫字樸林太平歲貢父患癱疾扶持抑搔六載不離左右及卒結廬墓側三載後卽改廬爲學舍授徒其中子鍾琬成進士官河南武安令迎養不赴曰吾不忍一日離墓側也性又好

義修學建書院及宗祠皆竭力捐輸千金不吝五世一堂卒年

九十一 太平縣志

俞幹涇縣人隨父入山虎攫父走幹走擊之奪屍口中撫之痛

哭不知虎猶在傍也薄暮幹兄來迎相與大慟虎始徐行兩眼

亦若有淚 涇縣志

趙必登涇縣人父早卒家貧不娶擔販養母每出度米薪將盡

卽馳歸不以遠近雨雪阻母病湯藥滌器皆親任之及卒殮葬

如禮竟無後而死 涇縣志

王道涇縣人兄弟友愛五世同居同邑汪國柱兄弟同居百餘

口無閒言 涇縣志

包煥章涇縣諸生至性過人與兄日章五世同居嘗修路築亭

以便行旅同邑貢生左天總孝事繼母兄弟同居無閒言邑有

公事不辭勞怨

甯國府志

項懋密太平貢生父在楚患風疾千里奔侍僱舟奉歸父卒廬墓母失明以舌舐之復明及卒廬墓如父嘗於荊州遇水災施

棺賑粥造隄築磯捐數千金事載江陵志

太平縣志呈册

施斌南陵人父母卒寢苦枕塊不入私室廬墓三年乾隆三十六年

旌表建坊

甯國府志

王鬱林南陵庠生七歲喪父慟哭幾絕比長嫡母病疽口吮膿而生母患疾禱天求代及卒哀毀盡禮乾隆三十七年

旌表建坊

甯國府志

朱玉成南陵人家貧百計謀生以供親母歿泣血父歿廬墓三年後以勤儉積資嘗歎曰今雖有餘其何補矣歲歛出數百金

以賑卒年九十八乾隆三十七年

旌表建坊

甯國府志

王之本太平人母病刲股以進得愈後卒廬墓野火發去墳不數武之本當火前跪泣風返火熄乾隆三十九年

旌表建坊

甯國府志

秦永芳南陵人乾隆三十七年以孝行

旌表建坊

甯國府志

張燦明南陵人採樵供親甘旨必備父母歿負土營葬蚊發其地獨其親柩無恙乾隆四十二年

旌表建坊

甯國府志

文世震涇縣人八歲時父得癱疾母去而他適震采樵養父抱持便溺者三十三年嘗禱神求佑廟側有虎隔溪人爲喧呼震

不知也又入山伐薪心動亟歸火已焚廬突入得負父出鄉入
醴金勸娶震佯諾之乃以其金買地葬父祖以上七棺乾隆四
十五年

旌表建坊

甯國府志

胡一開涇縣人性孝友父卒母病臥牀尊者三年一開躬侍湯
藥衣不解帶平居於鄉黨鄰里家雖不豐而周卹必力與妻洪
氏年俱百歲五世一堂乾隆四十七年

旌表建坊

涇縣志

李閔恭宣城人傭工以養母母疾扶持滌穢到股救痊者三次
既卒廬墓三年乾隆五十八年

旌表建坊

甯國府志

賈懋昭宣城諸生六世同居嘉慶元年舉孝廉方正不願仕進

二年以孝行

旌表建坊

甯國府志

唐昌敘宣城人七歲喪父事母以孝聞盛夏母疾目不交睫者兩月中夜禱天願以身代及卒廬墓三年同邑梅思濟母卒廬墓病甚扶歸七日卒又諸生張光鏞王俊阮維徵皆以親歿廬

墓間

甯國府志
宣城縣志

許以稔宣城農夫四歲喪母卽知哀痛十五喪父守墓不歸繼母謂之曰汝不歸吾等皆餓殍矣乃歸勤苦以養爲繼母所出二弟完婚娶母疾嘗糞及卒廬墓三年嘉慶九年

旌表建坊

宣城縣志

方正明宣城農夫他事無所知獨能竭誠事母母卒廬墓事之

如生

宣城縣志

何孝定南陵人備耕以養父母父卒哀痛欲絕母卒廬墓三年同邑柯學韜母臥病三載湯藥必親視先嘗及卒哀毀父歿廬墓三載有碧雞黃鹿馴擾墓前人以爲孝感

甯國府志

張永達南陵諸生早喪母父鰥居且病足扶掖不離者數十年父歿與母合葬廬墓三年

甯國府志

朱武東涇縣人父早卒採樵供母母病扶持滌穢出樵則負以託鄰回則負歸一日在樵所心動亟歸母已垂絕抱持痛哭復蘇孝事者又二十載嘉慶三年

旌表建坊

甯國府志

王帥涇縣人十歲時隨父謀食異鄉父卒哀慟質身取資以扶視歸主人憐之還其質券而贖焉既歸傭工養母母又得癱疾伏侍便溺不避垢穢及卒廬墓三年嘉慶四年

旌表建坊

甯國府志

查殿英涇縣諸生少從父服買於外聞母病一晝夜馳三百里歸母卒哀慟欲絕後又孝事繼母父染風病臥牀蓐六載服侍洗滌皆躬親父卒柩尙在堂鄰火起呼天長號風返火息嘉慶十一年

旌表建坊

甯國府志
涇縣志

殷燮宣城人幼失怙母歿廬墓三年祖母歿復廬墓二年孝子順孫一身兼之嘉慶十二年

旌表建坊

甯國府志

王百順涇縣人早喪父習皮工以養母母病瘼服侍洗滌數載不懈及卒廬墓哀泣三年嘉慶十四年

旌表建坊

涇縣志

潘周岱涇縣人以竹工爲業孝養父母母家居近銅山病甚懇
飲銅山泉周岱立取汲往返四十餘里踰時而至母飲之立愈
及卒哀毀廬墓三年父卒亦如之朝出執藝夜歸宿廬嘉慶二

十四年

旌表建坊

涇縣志

洪維陶涇縣人父往蜀久無音耗陶年十五辭母出尋不值而
歸母病刲股以進及卒廬墓三年囑妻以祀先訓子遂更入蜀
訪至峩眉終不值以勞瘁死於川

涇縣志

葉際時涇縣監生年十三父病刲股以進得愈同邑徐義陳顯
炤曹汝植汪從賡馬學鼈馬學法馬學種吳祿洪國器查咸甫
查書山查思銳查崇繡查思銀查思湛包德音卞元善潘守禮
潘茂啟吳廷瑣吳涓謀董嬰聖王添球皆以親疾刲股聞

甯國府志

縣志

趙友相涇縣人父母卒廬墓三年同邑吳德祚王經大馬謙尊

周汝甘潘懋順查世祝皆以親卒廬墓間

涇縣志

翟彩令涇縣人五歲母亡父病癱因乞食以養父族人樹滋憐而養之并衣食其父及年十二謝去曰吾可以力養矣乃採薪販菜得錢卽市甘旨以進父性躁有怒卽長跪以頭撞地及卒哀毀合葬於祖父之側墳塋皆自負土爲之

南園府志

程家極旌德人幼失恃繼母育之母病割股以進母愈而創血不止六日而死同邑趙友調父病噎割股以進得愈又郭宗瓚朱必偲汪溶鮑羲郭美玻周延恆饒日坦皆以割股救親間其以廬墓聞者又有呂立祚朱一造趙國柱趙善材等

志

南園府志旌德縣志

譚學精太平人父母病兩次割股同邑李俊譚宗明陳曾胡昭
先程廷景焦采王令備王曾華杜廷幹王大煥李士邦譚道進
葉世著章元傑方三生程一仁汪君簡周承雲周國玉皆以割

股救親聞

太平縣志

汪興老太平人家貧採薪以供母及卒負土成墳露立冢側眾
爲結茅居之同邑趙安邦項惟模杜文端方鎮邦皆以慮墓聞

帝國府志

楊岳甯國諸生父歿苦臥柩側三年母歿亦如之與其弟三人

友愛甚篤七世同居

甯國府志

王煊涇縣人五世同居人無私蓄族無閒言嘉慶甲戌旱以祖
遺資捐千金助賑又捐田以入宗祠備祭掃

涇縣志

翟廷璽涇縣人嘗割股以愈親疾性又喜施捐千金入宗祠助

興文會

甯國府志

翟守燧涇縣人祖灑以孝友聞守燧生有至性父病風奉侍湯藥衣不解帶者十年及卒哀毀骨立兄弟共爨數十年無閒言同邑曹喬遷七歲誦詩至蓼莪卽知悲泣會父遠出祖年八旬患病委頓喬遷衣不解帶者經年以孫代子尤爲人所難能涇志

崔正在字學三太平人家貧養親必具酒肉自與妻子則咽糟糠高曾以下獨力營葬不委羣從有緦麻弟死婦他適撫其遺孤長爲完婚又嘗創立義倉以賑族貧助課經堂費以端士習

崔頂師水齋文集

新增

查思詡涇縣人父疾衣不解帶者九載及卒廬墓三年又嘗倡建祖祠置祭田興文會助考費孝義兼至甯國府志

張一材宣城人五世同居父卒哀毀廬墓三年兄弟友愛族無

閒言

宣城
呈册

張佐宣城貢生孝事父母及卒廬墓五年又承父志造橋修路

施藥施棺義無不爲又嘗捐金創修敬亭書院

宣城縣
呈册

張之濤宣城人父母繼卒廬墓三年以孫桂榮官

贈奉直大夫

宣城縣
呈册

崔汝瑚太平諸生侍父疾衣不解帶及卒哀毀骨立廬墓三年
性好義運石砌高嶺獨建洋溪橋費千金歲歉平糶輸田入學
義行甚多後以事遠出聞生母喪奔歸以不及舍歎嘔血數升
遂卒道光元年以子駿官

贈奉直大夫

太平縣
呈册

方鵬飛太平諸生性孝友年八歲父病亟祈天願代母目盲跪

而砥之年餘復明弟食指眾遺產悉以讓之又好義完人婚娶代償逋欠修橋路各掩遺骸善行甚多嘉慶十九年准祀孝義祠

太平縣呈册

趙希蛟字伯蟄太平人鄉飲賓性至孝母病刲股以進及卒廬墓三年弟姪同居數世無閒又嘗捐千金建宗祠其他置義冢創家塾完婚娶修橋路義行不可勝紀嘉慶十九年准祀孝義

祠太平縣呈册

李文楷宣城人嘉慶十四年以孝行

旌表建坊

舊志

江奎旌德人孝友慕義族里稱之嘗欲建支祠營義氣老不及舉至孫淞迦克成厥志嘉慶十七年以孝行

旌表建坊

舊志

戴兆笨旌德人道光三年以孝行

旌表建坊

傳志

劉邦錫南陵人父病刲股和藥以進得愈冬月積雪父思鮮魚

邦錫往求見池冰有穴探之果得鯽四尾以獻

南陵縣志

曹雲翰南陵諸生親卒廬墓三年同邑楊志趕親卒廬墓三年

卒於廬所

南陵縣志

謝永棣南陵人昆季分爨推腴取瘠父病禱祈身代母嬰未疾

扶持三年不解衣帶偶外出室遭回祿突入負母出而母竟以

驚卒永棣哀毀火瘡迸裂亦卒

南陵縣志

秦穎南陵庠生少失怙恃其叔撫而教之穎事叔如事父叔病

侍藥衣不解帶及卒廬墓哀奠葺年遂卒於墓所

南陵縣志

張大勳南陵貢生父母歿哭奠三年兄早世撫姪如子歷任鳳

陽府及石埭潛山廬江諸學訓迪士子必先道德而後文藝學

者稱仁孝先生

南陵縣志

孫瑞南陵人年十一喪母朝夕往哭於厝所父病不食瑞亦不食侍奉湯藥衣不解帶兄卒諸姪俱幼教育授室俱得成立

南陵縣志

縣志

阮相南陵人父卒廬墓三載朝夕哀思竟以毀卒

南陵縣志以上舊志

周賢朝宣城人道光年以孝行

旌表

科鈔以新修

吳承貴涇縣人道光年以孝行

旌表
科鈔

王有慶字維章太平舉人居家孝友父病禱代推產讓兄北行有遺金事道光元年舉孝廉方正六品頂戴知縣改來安訓導

升廬州教授著有盟心錄

太平縣志

胡承麟字獻祥宣城人幼孤傭工養母母卒廬墓三年

宣城縣志

劉正采宣城人道光元年廬母墓終喪猶毀將卒屬家人爲葬

母側焉

宣城縣志

蕭瑤璣涇縣庠生親喪廬墓三年祀府孝子祠

涇縣志

查華山涇縣人業農少孤事母至孝及卒守墓三年已

旌
涇縣志

章復祚涇縣人少孤貧業賈母疾棄業歸及歿廬墓三年祀孝

子祠

涇縣志

潘懋順涇縣人母歿廬墓三年卒於墓側建有坊表

涇縣志

翟一綬涇縣人父卒廬墓三年又翟守讓父母相繼歿廬墓四

年翟宗武廬父墓三年承父志多義舉徐可忙繼母卒亦廬墓

重修安徽通志

卷三百四十

人物志

孝友

三

蒲園府

三年

涇江縣志

馬肇勳涇縣舉人父母及各廬墓三年

涇縣志

范達聘南陵人母年八旬患瘵痺時聘亦五十餘歲侍藥浣濯

臥寢側數載及歿廬墓三年又沈岸如廬母墓三年沈鍾林廬

母墓二年卒

南陵縣志

戴良璞旌德人母病目不交睫累月及歿遇朔望必詣墓哭數

十年不衰事繼母如母父患目眇每晨含液餵之愈迨歿廬墓

三年

旌德縣志

汪廷輔字日三旌德庠生母病年餘侍湯藥無懈及歿廬墓三

年

旌德縣志

項世璜太平監生廬父墓三年獨建漢阮口石橋助修學宮試

院義學族建義倉捐千金親見五代卒祀孝義祠

太平縣志

崔時四太平人幼喪母父痿家貧負擔以養出必具陳需用娛戲之物歸必供酒肉整衾侍寢如是者三十年父歿廬墓三年

太平縣志

張天意太平人九歲通孝經年十一父母疾侍湯藥不懈父母

卒廬墓各三年

太平縣志

曹澤秀太平監生七歲時聞父病客地馳往侍疾中夜跪禱父卒扶柩歸殯哀毀骨立事母先意承志修墓施棺捐助祠基道

光甲中庚子辛丑三次捐賑母歿廬墓側

太平縣志

項鳳翥太平監生侍父母疾閱時久不懈及歿廬墓三年舉孝

廉方正又州同李連枝廩生胡泰昇民人胡有能並廬父墓三

年孫菜花守母墓三年

太平縣志

陳鍾英涇縣人廬父墓側賊至白經又王雙全母卒廬墓賊至

被害

涇縣志

趙恆祥涇縣人父早世家貧傭工養母母卒廬墓三年咸豐六

年賊至祥守墓不食而死

涇縣志

孫元鼎太平監生陳宗彝州同俱父病刲股以愈及歿廬墓三

年又監生方瑾標母歿合葬亦廬墓三年

太平縣志

翟大有左武林俱涇縣人並刲股療母及卒守墓三年

涇縣志

湯炳榮涇縣人父病刲股及卒廬墓三月以奉母歸母病亦刲

股卒後廬墓三年

涇縣志

胡椿齡涇縣人事嗣母孝母病刲股以進及卒廬墓一夕山水

陡發椿抱棺號泣諸木石盡拔獨墓前無恙

涇縣志

馬國彥涇縣人母病刲股和糜以進尋愈逾數年母歿毀卒又

吳天權趙春度葉安品翟古吳振綱曹德裔張學澍查德燧俱

母病刲股

涇縣志

卽逢源涇縣人母病篤嘗糞投藥不效刲股進尋愈

涇縣志

方大朋涇縣人刲股療父病母病亦如之又左文燮亦父病刲

股

涇縣志

張希懿涇縣人七歲喪父哀毀如成人年十三母患沈疴刲兩

股以進病少痊及卒水漿不入口數日旋卒

涇縣志

查文德涇縣歲貢有至性刲股愈母疾

涇縣志

劉宏霧劉大麒南陵人俱刲股療母大麒時方十歲

南陵縣志

管南南陵貢生家貧授徒奉母必備甘旨及疾刲股和藥以進

尋愈後居喪哀毀茹素三年兄弟族黨有空乏者嘗出館穀周

副之

南陵縣志

周垂廣甯國人母患足疾恆負之出游及病篤刲股療之叔父

口替無子廣養之終身

甯國縣志

徐克章甯國人年數歲母病刲股以進後其子義亦刲股療母

甯國縣志

汪有濬旌德人年十歲母病侍牀側兩年及歿哀泣不輟侍父疾衣不解帶數月刲股和丸以進尋愈道光十六年

旌表祀孝義祠

旌德縣志

王敬旌德監生母病刲股雜藥以進尋愈管表鎬父病郭良順母病俱刲股療之

旌德縣志

梅植賢旌德人侍父病數月刲股和藥飲之愈事繼母如母積財分給諸姪子無私焉

旌德縣志

梅文開旌德人少失母事繼母孝刲股療疾咸豐丙辰出廩賑饑運米平糶輸練費三千金

旌德縣志

杜有度太平人母病兩次割股和藥以愈二弟鳶飛承志同時

割股後承志卒鳶飛哭喪明人稱一門孝友

太平縣志

杜遠巖太平人父病中夜思肉巖剝股爲膳遂痊

太平縣志

杜雍林太平農人母病篤割股和藥以愈

太平縣志

王宏合太平人母疾割股以愈又曹潢張國永邵聚春謝旺宗

崔振鐸崔鳴順俱母病割股王又新父病割股以進獲愈咸豐

六年賊至自縊死又胡有幹杜應月程德華監生崔廷挺俱父

病割股

太平縣志

崔鳴濤太平人母病割股以進尋瘳咸豐十年從官軍堵禦堯

嶺獎六品與賊接仗陣亡

太平縣志

孫元輔太平監生兩次割股愈父母病及父母歿終喪不入內

寢齧指血繪像於室事之

太平縣志

孫尚文太平監生父母相繼病危刳股以進隨愈母復瞽出入

扶持二十餘年後賊至被害

太平縣志

崔有鐸太平人母病劇刳股和藥以愈負親避賊山中以求甘

旨出遇賊不屈被害

太平縣志

崔炳章太平人從九品侍母避寇山中久之糧絕刳股奉母尋

俱以餓死

太平縣志

王宗林宣城人負母避亂顛沛中未嘗缺甘旨及母卒廬墓終

喪

太平縣志

張禮登宣城人事母孝賊至泣求免母得弗殺後母卒不食死

宣城縣志

吳學爨宣城監生賊執其父乞以身代既免乃死之

宣城縣志

胡世班涇縣人賊執其父牽衣力爭得脫世班死之

涇縣志

舒之友涇縣人賊執其父之友擊賊鬪死父得脫

涇縣志

查光樑涇縣人賊至侍父不避同時遇害又查得基查金芳監生查光宙翟其賢俱以護母不避遇害王道應救母得脫已死

之

涇縣志

賀宇旌德人傭工事母甘旨不缺後負母避賊爲追騎所及遇

害

旌德縣志

蘇端華太平人奉父避亂遇賊索金華給以貸金脫其父度離

遠罵賊被害又崔小江父被賊執代死以免父

太平縣志

張先修太平人賊猝至負母逃妻行遲被害修慰母曰兒婦死

無他慮矣赴大通負販供母

太平縣志

胡同揚太平人咸豐十年遇賊執母乞以身代賊殺之母得免

太平縣志

崔國載太平監生賊執父乞身代不許遂力鬪而死父乘閒得

脫事聞

旌卹

太平縣志

林恆美太平增生賊執母求代得釋挾恆美去遂自刎咸豐六

年

旌卹

太平縣志

胡兆熊太平貢生遇賊欲刃其父大慟願以身代兩舍之

太平縣志

崔炳華太平人父彬刺死賊酋潛匿被獲炳華號泣代死彬亦

遇害

太平縣志

周公淑太平人寇警侍母病不去遇害

太平縣志

崔有康太平人從九父國玖禦賊殉難有康持挺殺賊死之又

林恆足救母殺賊自刎

太平縣志

旌

卹太平縣志

崔國燧字瑜軒太平人愾母遇害卹太平縣志不食死太平縣志
陳以銘字用民太平副貢候選教諭以辨團加五品賊至父爲
所創銘以身扞蔽受重傷死越日父歿母亦絕食以殉事聞

崔青雲崔頁居太平人父國常罵賊死青雲兄弟奪刀奮鬪殺
賊數人而死太平縣志

崔君賜太平人少孤事母至孝扶母避賊山中日久乏食乞糗
作糊供母自餓三日咸豐十一年遇賊不屈死又庠生張錦溶
監生崔祥楠從九胡履誠及周祖祐張承佑王祥察方昭映崔
登桂崔登瀛孫良棟崔國其崔國斌李懷邦俱以護母被害太平縣志

崔祥樹太平人賊執父乞以身代父脫去樹不屈死又庠生張

超趙介民人王昭事張先鑿李宗烈李本章孫觀治俱以救父

被害

太平縣志

朱宗道涇縣貢生年十三赴太平府扶父櫬歸侍母疾三月形

毀骨立及卒水漿不入口五日遂歿建有坊表

涇縣志

潘兆全涇縣人母疾篤禱以身代未幾卒同治六年

旌表

涇縣志

趙喬如涇縣監生負母避亂病卒喬守棺不食死

涇縣志

曹連喜涇縣人父雙瞽出入扶持必謹後隨父渡河父溺連喜

入水救之起力竭而死

涇縣志

汪炳文旌德人母病妻煮粥未融出之外自執爨數載後賊至

母病方篤勸兄率妻子先避己獨留侍母歿遇賊不屈死

旌德縣志

江錫齡旌德監生父歿哀毀八日卒

旌德縣志

旌

太平
縣志

崔永錫太平人侍母罔懈冒雨雪走百里延醫禱以身代目不
交睫數月及卒一慟而歿年二十五咸豐年

胡同沅太平人哭母成疾父歿歐血死

太平
縣志

王蘭科太平人幼孤朔望必奠父豕鬻薪養母宅災冒火負母

出俱無恙

太平
縣志

崔祥松太平人扶母避賊山中采筍度日後母死葬畢痛哭而

死

太平
縣志

劉諸馮南陵諸生母老有殘疾起眉需人諸馮侍臥側者十九
年家本貧勉助族人婚娶殯葬凡二十餘事

南陵
縣志

周文郁字綱齋甯國廩生家貧父病調治五載不懈居母喪哀
毀成疾祖產悉讓諸兄舌耕自給姊妹夫亡文郁撫孤寡俾

完其節

南陽縣志

胡有勤太平人侍父疾數年不懈賊燬祖先堂抱木主死

太平縣志

周錦書太平人母患痲疾負臥起二十四年

太平縣志

徐鏞字味辛宣城庠生事繼母極孝一日喪具食鏞見奉母者不如己乃易之遂終身不入室母病瘵躬親侍奉不離左右及

歿哀感途人

宣城縣志

洪有范涇縣人少孤事孀母孝母思食鱖魚徒步二百餘里至

池州市歸諸昆弟多不節范躬率儉約均感化改行

涇縣志

朱寵字錫三涇縣進士少孤貧母以鍼術供讀書衾絮舊將易

之而母卒寵遂終身不用新絮

涇縣志

仙貽湛一名佺字露文甯國人事母至孝母歿哀毀廢苦食糲

三年年七十五端坐而逝

甯國縣志

周垂珩字德音甯國人周敬楹子生有瘡疾仁孝多慧父隱居
愛宣石瘿木靈藥奇卉珩皆多方力致之母病需真朮珩入山
二宿而得父歿遺命珩子讀書遂盡質田產爲從師資卒成子
名慰父志妻胡亦慈惠自損以濟人道光己酉水災典衣簪眼
餓同治初避賊困山谷中絕糧五十餘日餌松花粉竟無恙

甯縣志

趙樹棠甯國諸生父病瞽晨夕齋禱自責誓終身戒殺以贖父

目三載不懈父目復明

甯國縣志

何茂順甯國人力田事親定省惟謹與兄弟終身無忤色

甯國縣志

江逢涵旌德監生少貧采薪供甘旨親歿歲時祭必哀不自勝

嗣服買少裕族中孤弱咸賴以成立

旌德縣志

江導岷字蓬山旌德增生年七歲讀論語告人曰爲子當如閔

子騫親病侍湯藥不懈每夜必焚香禱祝及孤見手澤輒悲咽

以母言焚借券千金

旌德縣志

方鳳翔太平監生繼母盲鳳翔必手進飲食妻感其誠孝亦扶持不敢懈母年九十餘尙健鳳翔年七十先卒目不瞑子數等

跪祝體志孝養祖母乃瞑

太平縣志

項樹槐太平庠生親歿三年不入內室事兄如父事必稟命而

行

太平縣志

項一鍍太平監生母歿哀毀骨立父疾侍湯藥三年不懈事寡

嫂如母撫孤姪猶子

太平縣志

項瞻雲太平庠生事嗣母孝養備至母歿水漿不入口數日兄

有重負鬻己產償之

太平縣志

譚光泉太平人事父母以孝謹聞尤愛弟所置田廬聽其自擇

里中火及光泉門自熄人謂孝感後以罵賊不屈死

太平縣志

張文安太平庠生父母相繼歿不入內室六年弟文寶多疾百

方治療不起撫幼姪如己子焉

太平縣志

程棟九太平人六歲時父遺客不歸及長辭母尋父徧秦晉楚豫三年不得至蜀遇長者題詩有大路逍遙足何曾敝語聞大

足縣有大路鋪乃訪之果得父歸

太平縣志

鳳懷仁涇縣人兄儀廷有廢疾率子姪侍湯藥七年不離左右

涇縣志

志

王霖旌德監生兄病侍湯藥嗣被冤繫獄霖挺身願代卒獲昭

雪以捐輸軍餉議敘布理問銜

旌德縣志

周湖太平人從九品兄弟六人三十餘口同居無閒言弟瀚被

賊縛去湖冒死奪歸

太平縣志

崔高曾太平人葬高曾以上四代棺舅氏外舅姑諸姨之年老無依者迎養於家歿爲葬祭子映暉總角知敬讓事兄錫鉉如父以五千餘金讓之他善舉尤多

太平縣志